

На основу члана 59. став (4) Закона о кориштењу обновљивих извора енергије и ефикасне когенерације ("Службене новине Федерације БиХ", број 82/23) и члана 14. став (3) Правилника о методологији утврђивања максималних вриједности гарантованих откупних цијена, замјенске тржишне цијене и граничних вриједности фиксних премија ("Службене новине Федерације БиХ", број 30/24), Регулаторна комисија за енергију у Федерацији Босне и Херцеговине - ФЕРК је, на VIII редовној сједници одржаној у Мостару 28.4.2025. године, донијела

ОДЛУКУ

Члан 1.

Замјенска тржишна цијена електричне енергије за мјесец мај 2025. године износи 0,198727 КМ/кWh (19,8727 фенинга/кWh).

Члан 2.

Цијена из члана 1. ове одлуке је утврђена као пондер остварене цијене трговине електричном енергијом у Федерацији Босне и Херцеговине из мјесеца марта 2025. године имаоца ФЕРК-ове дозволе за обављање дјелатности снабдијевања и трговине електричном енергијом.

Члан 3.

Ова одлука ступа на снагу даном доношења и објављује се на службеној интернет страници ФЕРК-а, а диспозитив ове одлуке и у "Службеним новинама Федерације БиХ".

Број 07-13-2-519-1/25

28. априла 2025. године
Мостар

Председавајућа ФЕРК-а
Санела Покрајчић, с. р.

(SI-613/25-F)

OPERATOR ZA OBNOVLJIVE IZVORE ENERGIJE I EFIKASNU/UCINKOVITU KOGENERACIJU

826

На основу члана 12., члана 17. тачка d) и члана 52. став (2) Закона о кориштењу обновљивих извора енергије и ефикасне когенерације ("Службене новине Федерације БиХ", број 82/23) и члана 20. Statuta Operatora за обновљиве изворе енергије и ефикасну когенерацију ("Службене новине Федерације БиХ", бр. 89/20, 101/22 и 10/25), на приједлог Управе, Управни одбор Operatora за ОИЕИЕК на 13. сједници, одржаној дана 28.04.2025. године, доноси

ОДЛУКУ

О USVAJANJU PROGRAMA O SUFINANSIRANJU PROSUMERA IZ KATEGORIJE DOMAĆINSTVA

Члан 1.

Усваја се Program о суфинансирању проsumера из категорије домаћинства, број 01-307/25 од 28.04.2025. године.

Члан 2.

На Приједлог Programa о суфинансирању проsumера из категорије домаћинства, Влада Федерације Босне и Херцеговине је Закључком, V. број 422/2025 од 27.03.2025. године, дала своју сагласност, у складу са чланом 52. став (3) Закона о кориштењу обновљивих извора енергије и ефикасне когенерације.

Члан 3.

Program из члана 1. ове одлуке ступа на снагу осам (8) дана од дана објаве у "Службеним новинама Федерације БиХ".

Члан 4.

Ова Одлука ступа на снагу даном доношења.

Број 01-307-1/25

28. априла/травња 2025. године
Мостар

Предsjednik
Haris Lulić, с. р.

PROGRAM O SUFINANSIRANJU PROSUMERA IZ KATEGORIJE DOMAĆINSTVA

Mostar, април 2025. године

Садржај

1. Уводне напомене/Правни основ
2. Циљеви provedbe Programa
3. Циљне групе Programa
4. Средства planirana за суфинансирање
5. Критерији
 - 5.1. Прва група корисника Programa
 - 5.2. Друга група корисника Programa
6. Postupak odabira корисника из Прве групе корисника Programa
7. Postupak odabira корисника из Друге групе корисника Programa
8. Јавни позив
9. Obavezna dokumentacija за Другу групу корисника
10. Obrada zahtjeva
11. Трошкови инвестиције
12. Realizacija прихваћених заhtjeva Друге групе корисника Programa
13. Izmjene и dopune Programa
14. Prethodna saglasnost и stupanje на снагу

На основу члана 17. тачка d) и члана 52. став (2) Закона о кориштењу обновљивих извора енергије и ефикасне когенерације ("Службене новине Федерације БиХ", број 82/23) и члана 20. Statuta Operatora за ОИЕИЕК ("Службене новине Федерације БиХ" бр. 89/20 и 101/22), на приједлог Управе, Управни одбор Operatora за ОИЕИЕК, на 13. сједници одржаној дана 28.04.2025. године, доноси

PROGRAM

O SUFINANSIRANJU PROSUMERA IZ KATEGORIJE DOMAĆINSTVA

1. Уводне напомене/Правни основ

Program о суфинансирању проsumера из категорије домаћинства (у даљњем тексту: Program) је израђен у складу са обавезама Operatora за обновљиве изворе енергије и ефикасну когенерацију (у даљњем тексту: Operator за ОИЕИЕК) које проистичу из члана 17. тачка d) и члана 52. став (2) Закона о кориштењу обновљивих извора енергије и ефикасне когенерације ("Службене новине Федерације БиХ", број 82/23) (у даљњем тексту: Закон).

Наведеним одредбама Закона одређено је да Program најмање дефинише начин dodjele једнократног суфинансирања, социјални аспект суфинансирања, висину суфинансирања, критерије за суфинансирање, одредбе о равномјерном регионалном уčešћу, обавезу извјештавања од стране корисника Programa, остале одредбе потребне за функционисање суфинансирања.

Законом је, по први пут, креиран правни оквир за развој грађанске енергије, прецизније, препознавање и подршка изградњи постројења у власништву купца - проsumерских постројења. Као instrument подршке Закон је предвидио суфинансирање изградње, дефинисао максималну инсталисану снагу проsumерског постројења, те прецизирао циљну групу према којима се може примјенити овај финансијски instrument на начин да је дефинисао домаћинства као кориснике суфинансирања и то она која изграде проsumерско постројење инсталисане снаге до 10,8 kW. Осим поменутог, Закон Programом предвиђа осигурање равномјерног регионалног уčešћа у годишњим одабирима пројеката за суфинансирање.

Поред наведеног, мора се постићи и социјални аспект суфинансирања.

Сви остали детаљи ће бити дефинисани у наставку.

2. Ciljevi provedbe Programa

Provođenje pravedne energetske tranzicije nezamislivo je bez intenzivnog učešća svih aktera tržišta električne energije u Bosni i Hercegovini, odnosno, Federaciji Bosne i Hercegovine. Zbog toga je potrebno osigurati zainteresovanost onih kojih ima najviše, a to su domaćinstva koja su sumarno i apsolutno najveći potrošači električne energije u Federaciji Bosne i Hercegovine. Naime, već niz godina učešće domaćinstava u finalnoj potrošnji električne energije je oko 45%. S tim u vezi, Zakon je domaćinstvima kreirao mogućnost povoljnijeg načina planiranja, izgradnje i finansiranja postrojenja na vlastitim objektima stanovanja.

Osim ovoga, za obezbjeđenje masovnijeg učešća građana neophodno je podići svijest o potrebi provedbe energetske tranzicije s jedne strane, ali i koristi od investiranja u izgradnju vlastitih postrojenja s druge strane. Ovo će biti predmet javne kampanje koja je bazirana kroz Program informisanja javnosti o sufinansiranju prosumerskih postrojenja iz kategorije domaćinstva, a koji razvija Operator za OIEiEK. Ipak, teorija se najbolje dokazuje praksom, te će u tom smislu biti neophodno primjerima pokazati način pripreme, proračuna, instalacije, ali i isplativost investicije u vlastita prosumerska postrojenja.

Zbog prethodno pomenutog, primarni cilj Programa je popularizacija postrojenja koja za proizvodnju električne energije koriste obnovljive izvore, tačnije, malih kućnih elektrana, čija će se proizvodnja trošiti u objektima na kojima su izgrađeni, a koji su u vlasništvu fizičkih lica. Da bi ovaj cilj bio ostvaren mora se osigurati ravnomjerna teritorijalna zastupljenost na prostoru cijele Federacije Bosne i Hercegovine. Osim ovoga, odabir projekata će biti napravljen na način da se jasno izrazi i socijalni aspekt Programa, kako bi pristup najnovijim tehnologijama bio omogućen i socijalno ugroženim kategorijama građana Federacije Bosne i Hercegovine.

Krajnja korist provedbe Programa je povećanje proizvodnje energije i udjela OIE u ukupnoj potrošnji energije isključivo putem sufinansiranja prosumerskih postrojenja. Kao posljedica porasta proizvodnje električne energije iz OIE, koja se troši na mjestu proizvodnje, očekuje se i smanjenje emisije stakleničkih gasova. Procjena je da će provedbom Programa, na godišnjem nivou, biti sufinansirano oko 500 prosumerskih postrojenja prosječne instalisane snage 6 kW, što će u konačnici rezultovati porastom proizvodnje električne energije iz OIE od 4.200 MWh, odnosno, očekuje se redukcija emisije stakleničkih gasova za cca 3.800 tona¹ godišnje.

3. Ciljne grupe Programa

Korisnici jednokratnog sufinansiranja izgradnje prosumerskog postrojenja mogu biti isključivo fizičke osobe, građani, vlasnici ili suvlasnici porodičnih kuća s prebivalištem na adresi i mjestu porodično-stambenog objekta prijavljenim najkasnije 90 dana prije dana objave Programa. Pod porodično-stambenim objektom u smislu ovog Programa podrazumijeva se čvrsti objekt - zgrada, u kojoj se za stanovanje koristi najmanje 50% bruto podne površine.

Program će se provoditi odvojeno za dvije grupe korisnika.

Prvu grupu korisnika Programa čine fizičke osobe, nosioci domaćinstava, po izboru kantonalnih ministarstva nadležnih za socijalnu politiku, a u skladu sa teritorijalnom raspodjelom iz tabele date u 6. poglavlju. Ovi korisnici su, kao osobe u socijalnoj potrebi, oslobođeni učešća u troškovima izgradnje i Operator za OIEiEK pokriva cjelokupni trošak od projektovanja do priključenja prosumerskog postrojenja. Operator za OIEiEK će pružiti tehničku asistenciju kantonalnim ministarstvima nadležnim za socijalnu politiku kroz organizovanje tematskih sastanaka,

radionica i Okruglih stolova, kako bi se osiguralo da njihovi prijedlozi projekata odgovaraju ostalim kriterijima Programa.

Drugu grupu korisnika Programa čine podnosioci zahtjeva za sufinansiranje izgradnje prosumerskih postrojenja iz kategorije domaćinstva, odabrani nakon objave Javnog poziva za podnošenje zahtjeva za sufinansiranje izgradnje prosumerskih postrojenja u kategoriji domaćinstva (u daljnjem tekstu: Javni poziv) kojeg objavljuje Operator za OIEiEK. Javni poziv će sadržavati listu neophodne dokumentacije koja se dostavlja uz zahtjev, a koja je navedena u Tački 9. ovog Programa.

4. Sredstva planirana za sufinansiranje

Sredstva za provođenje ovog Programa u periodu 2024-2030. godine, Operator za OIEiEK će, u skladu sa članom 52. stav (1) Zakona, prilikom izračuna potrebnih sredstava za sistem podsticaja, planirati iznos u visini od najmanje 10% od planiranog ukupnog iznosa naknade za podsticanje, koji će se koristiti za jednokratno sufinansiranje izgradnje postrojenja prosumera iz kategorije domaćinstva.

Za provedbu projekta iz Prve grupe korisnika Programa, definisanih u Poglavlju 3. ovog Programa, Operator za OIEiEK će osigurati najmanje jednu četvrtinu odobrenih sredstava određenih za realizaciju Programa tokom jedne kalendarske godine.

Izgradnja prosumerskog postrojenja Druge grupe korisnika, definisanih u Poglavlju 3. ovog Programa, sufinansirati će se u zavisnosti od instalisane snage prosumerskog postrojenja na način da se za svaki kilovat (kW) instalisane snage postrojenja dodijeli fiksni iznos koji predstavlja 50% od prosječnog troška izgradnje jednog kilovata (kW) prosumerskog postrojenja, o čemu Operator za OIEiEK donosi posebnu odluku jednom godišnje. Osnov za donošenje pomenute odluke je "Metodologija za utvrđivanje prosječnog iznosa troškova izgradnje prosumerskog postrojenja po kW", (u daljem tekstu: Metodologija). Metodologija je data u Prilogu 4 i čini sastavni dio ovog Programa.

Maksimalni iznos sredstava koji može biti odobren korisniku po jednom zahtjevu ne može iznositi više od 7.000,00 KM ili više od 60% troškova navedenih u Poglavlju 11. ovog Programa.

Odobrena sredstva se isplaćuju, na račun korisnika, nakon priključenja prosumerskog postrojenja i nakon provedenih postupaka iz Poglavlja 6. i 7. ovog Programa.

5. Kriteriji

U zavisnosti od grupe korisnika potrebno je osigurati ispunjenost kriterija za svaki pojedinačni zahtjev. Kriteriji su odabrani vodeći se tehničkim, socijalnim i ekonomskim razlozima.

Odabir korisnika iz Prve grupe korisnika vrše kantonalna ministarstva nadležna za socijalnu politiku, u skladu sa kriterijima iz Poglavlja 5.1. ovog Programa.

Nakon provjere ispunjenosti kriterija, kantonalna ministarstva nadležna za socijalnu politiku formiraju liste na kojima su kandidati za finansiranje poredani po prioritetu, na način da prvi navedeni ima najveći prioritet.

Odabir korisnika iz Druge grupe korisnika vrši Operator za OIEiEK, u skladu sa kriterijima iz Poglavlja 5.2. ovog Programa.

5.1. Prva grupa korisnika Programa

Zahtjev za finansiranje postrojenja koje spada u Prvu grupu korisnika Programa će biti odobren ukoliko ispunjava obavezne kriterije, kako slijedi:

Obavezni kriteriji:

- ukupna godišnja potrošnja električne energije veća od 3.500 kWh;
- broj članova domaćinstva jednak ili veći od tri (3);

¹ Korišten izračunati koeficijent o emisiji CO₂ iz Godišnjeg izvještaja JP EP BiH 2020. g.

- tehnička mogućnost izgradnje prosumerskog postrojenja;
- podnositelj zahtjeva je korisnik stalne novčane pomoći ili naknade za pomoć i njegu druge osobe i osposobljavanju za život i rad.

Prednost pri odabiru korisnika iz ove grupe će imati korisnici koji ispunjavaju najmanje jedan dodatni kriterij, kako slijedi:

Dodatni kriteriji:

- podnositelj zahtjeva je osoba sa priznatim statusom civilne žrtve rata,
- podnositelj zahtjeva je osoba sa invaliditetom.

5.2. Druga grupa korisnika Programa

Kriteriji za odabir korisnika:

- ukupna godišnja potrošnja električne energije veća od 5.500 kWh, a što se dokazuje dostavljanjem uvjerenja/potvrde o potrošnji električne energije u 12 posljednjih mjeseci;
- priključna snaga domaćinstva jednaka ili manja od instalisane snage planiranog postrojenja, a što se dokazuje dostavljanjem prethodne saglasnosti za priključenje planiranog prosumerskog postrojenja koju izdaje nadležni operator distributivnog sistema;
- mjesto prebivališta podnosioca zahtjeva mora biti identično sa mjestom planiranog prosumerskog postrojenja, a što se dokazuje dostavljanjem Uvjerenja o prebivalištu podnosioca zahtjeva i prethodnom saglasnosti za priključenje planiranog prosumerskog postrojenja koju izdaje nadležni operator distributivnog sistema.

6. Postupak odabira korisnika iz Prve grupe korisnika Programa

Operator za OIEiEK će nakon objavljivanja Javnog poziva, od kantonalnih ministarstava nadležnih za socijalnu politiku, zatražiti dostavljanje liste potencijalnih kandidata korisnika sredstava predviđenih ovim Programom. Obavještenje o pokretanju ovih aktivnosti biće sastavni dio Javnog poziva iz Tačke 8. ovog Programa. Rok za dostavu traženih informacija ne može biti manji od 60 dana.

Broj prosumerskih postrojenja predviđen po kantonima, u odnosu na ukupan broj postrojenja predviđen za finansiranje, je jednak procentualnom učešću stanovnika kantona u ukupnom broju stanovnika u Federaciji Bosne i Hercegovine sa posljednjeg objavljenog popisa, s tim da broj postrojenja ni u jednom kantonu nije manji od 4 (četiri), a na način kako je to navedeno u Tabeli 1., datoj u nastavku:

Tabela 1.

Naziv kantona	TK	ZDK	KS	SBK	USK	K10	ZHK	BPK	HNK	PK	Ukupno
Broj stanovnika	445.028	364.433	413.593	254.686	273.261	84.127	94.898	23.734	222.007	43.453	2.219.220
Broj postrojenja	19	15	18	11	12	4	4	4	9	4	100

gdje su:

TK - Tuzlanski kanton
 ZDK - Zeničko-dobojski kanton
 KS - Kanton Sarajevo
 SBK - Srednjobosanski kanton
 USK - Unsko-sanski kanton
 K10 - Kanton 10
 ZHK - Zapadnohercegovački kanton
 BPK - Bosansko-podrinjski kanton
 HNK - Hercegovačko-neretvanski kanton
 PK - Posavski kanton

Liste koje dostavljaju kantonalna ministarstva nadležna za socijalnu politiku treba da sadrže najmanje onoliko kandidata koliko se navodi u tabeli iznad, a najviše 50 kandidata. Operator za OIEiEK će, nakon isteka roka za dostavu listi, analizirati zaprimljene liste. U slučaju da neko od kantonalnih ministarstava

ne dostavi listu kandidata, ili ne dostavi potreban broj odgovarajućih kandidata, Operator za OIEiEK će izvršiti preraspodjelu odobrenih sredstva na pristigle liste koje sadrže više kandidata nego što predviđa gornja tabela.

Nakon odabira korisnika sa svake liste, Operator za OIEiEK će o istom donijeti konačnu odluku, te provesti postupak javne nabavke za odabir izvođača radova i pružanja usluga za izgradnju svih odobrenih postrojenja, u skladu sa Zakonom o javnim nabavkama Bosne i Hercegovine. Javna nabavka će biti podijeljena na lotove koji odgovaraju teritorijama kantona. Odabrani izvođač će imati obavezu ishođenja svih potrebnih dozvola i saglasnosti, izrade projekta, te nabavke i ugradnje opreme.

Rok za izvođenje i završetak radova ne može biti duži od 2 (dvije) godine od dana donošenja odluke o odabiru korisnika. Postupak objave tenderske dokumentacije, procedura za odabir izvođača i ugovaranja poslova i usluga obaviće se u skladu sa Zakonom o javnim nabavkama Bosne i Hercegovine.

7. Postupak odabira korisnika iz Druge grupe korisnika Programa

Zahtjev za sufinansiranje, nakon objavljenog Javnog poziva, se podnosi Operatoru za OIEiEK pisanim putem. Popunjen Obrazac zahtjeva za sufinansiranje, uz koji se prilažu originali ili ovjerene kopije obavezne prateće dokumentacije, dostavlja se putem preporučene pošte na adresu Operatora za OIEiEK ili ličnim podnošenjem na protokolu Operatora za OIEiEK.

Podnositelj zahtjeva ima pravo, do vremena naznačenog za dostavljanje zahtjeva, svoj zahtjev povući, izmijeniti ili dopuniti, sa obaveznom naznakom izmjena, odnosno, dopuna zahtjeva. U slučaju izmjene ili dopune, zahtjev dobiva novi redni broj u skladu sa vremenom prijema izmjene ili dopune zahtjeva.

Zahtjevi se rješavaju po rednom broju prispjeća zahtjeva, od starijeg ka novijem, dok se ne dodijele/rezervišu sva sredstva određena za sufinansiranje izgradnje prosumerskih postrojenja definisana u Odluci Operatora za OIEiEK iz tačke 4. ovog Programa.

Operator za OIEiEK provjerava kompletnost zahtjeva i ispunjenost kriterija datih Programom, nakon čega donosi odluku čiji je sastavni dio lista odobrenih zahtjeva. Nepotpuni i neblagovremeno zaprimljeni zahtjevi će biti odbačeni.

8. Javni poziv

Javni poziv za odabir korisnika, za obje grupe korisnika, Operator za OIEiEK objavljuje u najmanje dva dnevna lista, sa područja Federacije Bosne i Hercegovine, i na svojoj internet stranici, najkasnije do 10. aprila, za tekuću godinu. Javni poziv ostaje otvoren 90 dana od dana objave. Objavijest o zatvaranju Javnog poziva bit će javno dostupna na internet stranici Operatora za OIEiEK.

Javni poziv najmanje sadrži informacije o:

- ciljevima koji se žele ostvariti provedbom ovog Programa,
- ukupnim sredstvima predviđenim za provedbu Programa,
- procentu sufinansiranja i maksimalnom iznosu koji se može isplatiti po zahtjevu za sufinansiranje,
- datumu zatvaranja Javnog poziva,
- datumu do kojeg se zahtjevi mogu poslati,
- nazivu institucije i adresa na koju se zahtjevi dostavljaju,
- kriterijima za odabir kandidata,
- dokumentaciji koja se dostavlja uz zahtjev,
- sredstvima predviđenim za finansiranje izgradnje prosumerskih postrojenja Prve grupe korisnika Programa sa tabelom geografske raspodjele ukupnog broja korisnika iz ove grupe po kantonima, te
- druge informacije neophodne za provedbu Programa.

Ukoliko nakon zatvaranja Javnog poziva ne bude pristiglo dovoljno zahtjeva za sufinansiranje, odnosno, ne budu rezervisana sva predviđena sredstva za tu kalendarsku godinu, Operator za OIEiEK može raspisati i drugi Javni poziv u toj kalendarskoj godini.

9. Obavezna dokumentacija za Drugu grupu korisnika

Zahtjev za sufinansiranje izgradnje prosumerskih postrojenja iz kategorije domaćinstva, smatraće se kompletnim ukoliko sadrži sljedeću dokumentaciju:

1. Popunjen i potpisan Obrazac zahtjeva za sufinansiranje (Prilog 2. Programa),
2. Ovjerena kopija lične karte podnosioca zahtjeva,
3. Od nadležnog organa, ovjerena Izjava o saglasnosti suvlasnika za instalaciju prosumerskog postrojenja na ime podnosioca zahtjeva (ukoliko se radi o suvlasništvu),
4. Uvjerenje o prebivalištu podnosioca zahtjeva,
5. Kopije 12 posljednjih računa za električnu energiju iz kojih je vidljiva godišnja potrošnja električne energije,
6. Prethodnu saglasnost za priključenje planiranog prosumerskog postrojenja koju izdaje nadležni operator distributivnog sistema,
7. Izjavu podnosioca zahtjeva (Prilog 1. Programa) pod materijalnom i krivičnom odgovornošću, potpisanu od strane podnosioca zahtjeva, da prihvata uslove iz ovog Programa i Javnog poziva te da može osigurati sredstva za provedbu projekta,
8. Dokaz o uplati administrativne naknade.

Ukoliko se podaci koji se navode u obrascu zahtjeva i dostavljenim dokumentima razlikuju, Operator za OIEiEK će mjerodavnim podacima smatrati one čiju tačnost može neosporno utvrditi.

10. Obrada zahtjeva

Postupajući po zahtjevu, Operator za OIEiEK provjerava podatke iz dostavljene dokumentacije. Operator za OIEiEK može od podnosioca zahtjeva zatražiti pojašnjenje dostavljene dokumentacije, sve do donošenja konačne odluke. Pojašnjenje ne utiče na redni broj zahtjeva. U slučaju nedostavljanja traženog pojašnjenja, u ostavljenom roku, smatrati će se da je podnosilac zahtjeva odustao od zahtjeva.

Operator za OIEiEK zaprimljene zahtjeve rješava prema redoslijedu prispjeća, u skladu sa internim aktima Operatora za OIEiEK, ovim Programom i Javnim pozivom.

Za zahtjeve koje ispunjavaju kriterije ovog Programa i Javnog poziva, Operator za OIEiEK priprema Odluku o dodjeli sredstava za sufinansiranje izgradnje prosumerskog postrojenja.

Operator za OIEiEK će posebnim aktom obavijestiti podnosioca zahtjeva koji ne budu uvršteni na listu odobrenih zahtjeva, sa navođenjem razloga za neuvrštavanje.

Akti Operatora za OIEiEK su konačni i protiv njih se ne može izjaviti žalba ali se može pokrenuti upravni spor kod nadležnog kantonalnog suda.

11. Troškovi investicije

Pod troškovima investicije izgradnje prosumerskog postrojenja Druge grupe korisnika spadaju:

1. troškovi nabavke opreme samog postrojenja (paneli, inventori, nosači, ožičenje, sitni pribor),
2. troškovi nabavke opreme za spajanje postrojenja sa mjernim mjestom (kabal, zaštite, ormar) i
3. troškovi usluga instalacije i priključenja postrojenja.

Troškovi povećanja priključne snage, posebni troškovi transporta opreme, troškovi ishođenja potrebnih saglasnosti i odobrenja, te troškovi bilo kakvih prethodnih građevinskih radova

neophodnih za instaliranje prosumerskih postrojenja, u smislu ovog Programa, se ne smatraju troškovima investicije.

12. Realizacija prihvaćenih zahtjeva Druge grupe korisnika Programa

Operator za OIEiEK će, na osnovu odluke iz Poglavlja 10. ovog Programa, zaključiti ugovor o sufinansiranju izgradnje prosumerskog postrojenja, sa odabranim korisnikom.

Zaključivanjem ugovora korisnik prihvata uslove zajedničkog učešća u sufinansiranju izgradnje prosumerskog postrojenja. Ugovorom se korisnik obavezuje uložiti vlastita sredstva u provedbu projekta, a Operator za OIEiEK se obavezuje da će mu nakon ispunjavanja uslova iz ugovora refundirati ugovoreni iznos sredstava.

Ugovorom se posebno uređuje:

- predmet ugovora,
- spisak troškova investicije,
- način i uslovi isplate dodijeljenih sredstava,
- vremenski rok provedbe projekta i dostave potpune dokumentacije za isplatu,
- način praćenja i kontrole namenskog utroška dodijeljenih sredstava,
- naziv banke i broj transakcijskog računa korisnika za isplatu sredstava, te
- ostala međusobna prava i obaveze.

Operator za OIEiEK će korisniku isplatiti sredstva jednokratno, u skladu sa ugovorom, u roku od 30 dana od zaprimanja potpune dokumentacije za isplatu, koja mora sadržavati:

1. Obrazac zahtjeva za isplatu sredstava (Prilog 3. Programa),
2. Priloge definisane Obrascem zahtjeva (ovjerene kopije) i
3. Akt o priključenju prosumerskog postrojenja na distributivnu mrežu (ovjerena kopija).

Zahtjev za isplatu se dostavlja Operatoru za OIEiEK preporučenom poštom ili ličnom dostavom. Iznos isplaćenih sredstava ne može biti veći od iznosa odobrenih sredstava utvrdjenih ugovorom. Zahtjev za isplatu sredstava podnosi se Operatoru za OIEiEK u roku od 30 dana od dana priključenja prosumerskog postrojenja na distributivnu mrežu.

Operator za OIEiEK zadržava pravo kontrole ispunjavanja ugovornih odredbi, kao i stručne kontrole nad izgradnjom prosumerskog postrojenja.

Nakon sklapanja ugovora nije moguće mijenjati ugovorne odredbe kojima je regulisan predmet ugovora i učešće Operatora za OIEiEK u sufinansiranju, kao niti odredbe vezane za uslove iz godišnjeg Javnog poziva.

Operator za OIEiEK ne može učestvovati u ugovaranju poslovnih odnosa korisnika i ostalih učesnika u realizaciji projekta, te ne može učestvovati/posredovati u njihovom rješavanju, niti snositi posljedice u sporovima i potraživanjima koji u tim odnosima mogu nastati.

13. Izmjene i dopune Programa

Operator će pokrenuti proceduru izmjena i dopuna Programa, u slučaju da se u provedbi Programa ukaže potreba za njegovim izmjenama i dopunama, a iz razloga kako slijedi:

- usklađivanja sa izmjenama i dopunama Zakona;
- usklađivanje sa drugim propisima koji utiču na provedbu Programa;
- otklanjanje u praksi uočenih prepreka u provođenju Programa, nakon provedenih analiza uticaja;
- proširenje kategorije korisnika;
- ostali razlozi koji u značajnoj mjeri negativnu utiču na provedbu Programa.

14. Prethodna saglasnost i stupanje na snagu

Na Prijedlog Programa o sufinansiranju prosumera iz kategorije domaćinstva, Vlada Federacije Bosne i Hercegovine je Zaključkom, V.broj 422/2025 od 27.03.2025. godine, dala svoju saglasnost, u skladu sa članom 52. stav (3) Zakona.

Program stupa na snagu osam (8) dana od dana objave u "Službenim novinama Federacije BiH".

Prilozi:

1. Izjava o prihvatanju uslova Programa o sufinansiranju prosumerskih postrojenja;

2. Zahtjev za sufinansiranje izgradnje prosumerskog postrojenja;
3. Zahtjev za isplatu sredstava;
4. Metodologija za utvrđivanje prosječnog iznosa troškova izgradnje prosumerskog postrojenja po kW.

Broj 01-307/25

28. aprila 2025. godine
Mostar

Predsjednik
Haris Lulić, s. r.

(SI-612/25-F)

Prilog 1

IZJAVA

Ja _____, stalno mjesto boravka na adresi _____, L.k. broj: _____, izdata od _____, pod punom materijalnom i krivičnom odgovornošću izjavljujem da:

1. prihvatam uslove Programa o sufinansiranju prosumerskih postrojenja i Javnog poziva za podnošenje zahtjeva za sufinansiranje izgradnje prosumerskih postrojenja u kategoriji domaćinstva i
2. mogu osigurati sredstva za provedbu projekta.

Svojim potpisom garantujem za istinitost i tačnost svih podataka koji su navedeni u Obrascu zahtjeva za sufinansiranje, kao i u priloženoj dokumentaciji.

U _____, dana _____
(upisati mjesto) (upisati datum)

(upisati ime i prezime) (vlastoručni potpis)

Izjava se ovjerava kod nadležnog organa.

Prilog 2

**ZAHTJEV
ZA SUFINANSIRANJE IZGRADNJE PROSUMERSKOG POSTROJENJA****Osnovni podaci podnosioca zahtjeva**

Ime	
Prezime	
Telefon	
e-pošta	

Podaci o porodično-stambenom objektu za koji se podnosi zahtjev

Lokacija	
Ulica i kućni broj	
Poštanski broj i mjesto	
Kanton	
Katastarska opština	
Katastarska čestica	
Tehnički podaci	
Godina izgradnje porodično-stambenog objekta	
Građevinska bruto površina	
Broj stambenih jedinica	
Kontrolno pitanje	
Da li je više od 50% bruto podne površine porodično-stambenog objekta namijenjeno za stanovanje?	
NAPOMENA: Sva polja se moraju ispuniti.	

Dokumentacija koja se dostavlja uz Zahtjev:

1. Dokaz o uplati administrativne naknade,
2. Ovjerena kopija lične karte podnosioca zahtjeva,
3. Od nadležnog organa, ovjerena Izjava o saglasnosti suvlasnika za instalaciju prosumerskog postrojenja na ime podnosioca zahtjeva (ukoliko se radi o suvlasništvu),
4. Uvjerenje o prebivalištu podnosioca zahtjeva (original ili ovjerena kopija),
5. Uvjerenje/potvrda o potrošnji električne energije u 12 posljednjih mjeseci,
6. Prethodnu saglasnost za priključenje planiranog prosumerskog postrojenja koju izdaje nadležni Operator distributivnog sistema (original ili ovjerena kopija)i
7. Izjavu podnosioca zahtjeva (Prilog 1. Programa) pod punom materijalnom i krivičnom odgovornošću, potpisanu od strane podnosioca zahtjeva, da prihvata uslove iz ovog Programa i Javnog poziva te da može osigurati sredstva za provedbu projekta.

Datum:

Potpis podnosioca zahtjeva

Prilog 3**ZAHTJEV
ZA ISPLATU SREDSTAVA****Osnovni podaci podnosioca zahtjeva**

Ime	
Prezime	
Mobitel	
e-pošta	

Podaci o Ugovoru

Broj ugovora	
Datum potpisa ugovora	
Instalisana snaga prosumerskog postrojenja	
Iznos sredstava za refundiranje (KM)	

Podaci o bankovnom računu

Banka	
Vlasnik računa	
Transakcijski račun	

U prilogu ovog zahtjeva dostavljam Ugovor o priključenju prosumerskog postrojenja na distributivnu mrežu.

Datum:

Potpis podnosioca zahtjeva

Prilog 4

Metodologija**za utvrđivanje prosječnog iznosa troškova izgradnje prosumerskog postrojenja po kW**

Ovom metodologijom, koja čini sastavni dio Programa o sufinansiranju prosumera iz kategorije domaćinstva, se definiše način određivanja prosječnog iznosa troškova izgradnje prosumerskog postrojenja po jednom kilovatu (kW) instalisane snage postrojenja, u svrhu utvrđivanja dijela od 50% koji će biti sufinansiran od strane Operatora za OIEiEK.

S obzirom na cjelokupni mehanizam provedbe Programa, metodologija će traženi iznos definisati na jedan način za prvu godinu provedbe Programa, a na drugi način za sve ostale godine provedbe Programa, kako slijedi:

Prva godina provedbe programa

Operator za OIEiEK će, odmah nakon stupanja na snagu Programa, provesti ispitivanje tržišta roba i usluga, u Bosni i Hercegovini, neophodnih za instaliranja i priključenje prosumerskih postrojenja. Ispitivanje će se provesti na način da će se prikupiti najmanje pet ponuda iz pet različitih kantona za izgradnju po sistemu „ključ u ruke” postrojenja instalisanih snaga od 4kW, 6kW, 8kW i 10kW.

Srednja vrijednost svih pojedinačnih srednjih vrijednosti dostavljenih ponuda, će se smatrati prosječnim iznosom troškova izgradnje prosumerskog postrojenja po jednom kilovatu (kW) instalisane snage postrojenja.

Izraženo u formuli to izgleda ovako:

$$P = \frac{SV1 + SV2 + SV3 + SV4 + SV5}{5}$$

gdje je

P - prosječni iznos troškova izgradnje prosumerskog postrojenja po jednom kilovatu (kW) instalisane snage

sv1-sv5 - Srednje vrijednosti ponuda anketiranih ponuđača izračunate po formuli:

$$SV_i = \frac{\left(\frac{C4}{4} + \frac{C6}{6} + \frac{C8}{8} + \frac{C10}{10}\right)}{4}$$

gdje je

SV_i - Srednja vrijednost ponude „i” (od 1 do 5)

C4 - Cijena izgradnje postrojenja od 4 kW po sistemu „ključ u ruke”

C6 - Cijena izgradnje postrojenja od 6 kW po sistemu „ključ u ruke”

- C8 - Cijena izgradnje postrojenja od 8 kW po sistemu „ključ u ruke“
- C10 - Cijena izgradnje postrojenja od 10 kW po sistemu „ključ u ruke“

Ostale godine provedbe programa

Za sve ostale godine provedbe Programa prosječni iznos troškova izgradnje prosumerskog postrojenja po jednom kilovatu (kW) instalisane snage postrojenja će se izračunavati iz ponuda pristiglih nakon raspisivanja tendera za izgradnju prosumerskih postrojenja Prve grupe korisnika programa na način kako slijedi.

Operator za OIEiEK će, počevši od druge godine provedbe programa, iskoristiti prvih pet pristiglih ponuda za izgradnju prosumerskih postrojenja Prve grupe korisnika Programa kao relevantne za izračunavanje.

$$P = \frac{\frac{C1}{4} + \frac{C2}{4} + \frac{C3}{4} + \frac{C4}{4} + \frac{C5}{4}}{5}$$

gdje je

- P - prosječni iznos troškova izgradnje prosumerskog postrojenja po jednom kilovatu (kW) instalisane snage
- C(1-5) - Cijene izgradnje i priključenja prosumerskog postrojenja instalisane snage 4 kW, iz prvih pet ponuda (iz različitih kantona) zaprimljenih nakon raspisivanja tendera za Prvu grupu korisnika Programa.

**KONKURENCIJSKO VIJEĆE/SAVJET
BOSNE I HERCEGOVINE****827**

Konkurencijsko vijeće Bosne i Hercegovine na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16. i 18. Zakona o konkurenciji ("Službeni glasnik BiH", br. 48/05, 76/07 i 80/09), rješavajući po Prijavi koncentracije privrednog subjekta Pavgord d.o.o. Foča, Petra Kočića 1, 73300 Foča, Republika Srpska, Bosna i Hercegovina, podnesenoj dana 12.08.2024. godine pod brojem: UP-05-26-1-020-1/24, na 23. (dvadesettrećoj) sjednici održanoj dana 26.02.2025. godine, donijelo je

RJEŠENJE¹

1. Ocjenjuje se dopuštenom koncentracija na tržištu proizvodnje i prodaje rude boksit u Bosni i Hercegovini, koja nastaje sticanjem većinskog paketa dionica privrednog subjekta Pavgord d.o.o. Foča u privrednom subjektu Boksit a.d. Milići.
2. Ovo Rješenje o koncentraciji se upisuje u Registar koncentracija.
3. Obavezuje se privredni subjekt Pavgord d.o.o. Foča da plati administrativnu taksu na Rješenje u iznosu od 5.000,00 KM u korist Budžeta institucija Bosne i Hercegovine.
4. Ovo Rješenje je konačno i bit će objavljeno u "Službenom glasniku BiH", službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je, dana 12.08.2024. godine pod brojem: UP-05-26-1-020-1/24, zaprimilo Prijavu namjere koncentracije (u daljem tekstu: Prijava) privrednog subjekta Pavgord d.o.o. Foča, Petra Kočića 1, 73300 Foča, Republika Srpska, Bosna i Hercegovina, koja se tiče sticanja većinskog paketa dionica u privrednom subjektu Boksit a.d. Milići, u smislu člana 12. stav (1) tačka b) pod 1) Zakona o konkurenciji ("Službeni glasnik BiH", br. 48/05, 76/07 i 80/09) - (u daljem tekstu: Zakon).

Konkurencijsko vijeće je nakon uvida u zaprimljenu Prijavu, dana 06.09.2024. godine pod brojem: UP-05-26-1-020-2/24, Podnosiocu prijave uputilo zahtjev za uređenjem iste, na način da se dostavi pripadajuća punomoć, u skladu sa relevantnom zakonskom regulativom, te je istim aktom Podnosiocu prijave ukazano da Prijava mora sadržavati sve podatke navedene u čl. 9. i 11. Odluke o načinu podnošenja prijave i kriterija za ocjenu koncentracije privrednih subjekata ("Službeni glasnik BiH", br. 34/10), kao i da se jasno moraju označiti podaci koji predstavljaju službenu tajnu, u skladu sa članom 38. Zakona o konkurenciji ("Službeni glasnik BiH", 48/05, 76/07 i 80/09).

Podnosilac prijave je dostavio traženu punomoć, podneskom broj: UP-05-26-1-020-3/24 zaprimljenim dana 19.09.2024. godine, kao i dopunu Prijave, podneskom broj: UP-05-26-1-020-4/24 zaprimljenim dana 30.09.2024. godine.

Dopuna Prijave je izvršena i dodatnim podnescima zaprimljenim pod brojevima: UP-05-26-1-020-5/24 dana 07.10.2024. godine, UP-05-26-1-020-7/24 dana 28.10.2024. godine, UP-05-26-1-020-8/24 dana 28.10.2024. godine, UP-05-26-1-020-11/24 dana 07.11.2024. godine, UP-05-26-1-020-16/24 dana 06.01.2025. godine, UP-05-26-1-020-18/24 dana 03.02.2025. godine i UP-05-26-1-020-24/24 dana 24.02.2025. godine.

Uvidom u podnesenu Prijavu, Konkurencijsko vijeće je utvrdilo sljedeće:

Privredni subjekt Pavgord d.o.o. podnosi Prijavu na osnovu člana 16. stav (2) Zakona o konkurenciji, u roku propisanom članom 16. stav (1) Zakona o konkurenciji.

Podnosilac Prijave je naveo da ne postoji namjera podnošenja zahtjeva ili prijave za ocjenu koncentracije iz ove Prijave izvan teritorije Bosne i Hercegovine.

Konkurencijsko vijeće je, u skladu sa članom 16. stav (4) Zakona, dana 11.11.2024. godine u dnevnim novinama "Nezavisne novine", objavilo Obavještenje o podnesenoj prijavi koncentracije (akt broj: UP-05-26-1-020-9/24 od 07.11.2024. godine) (u daljem tekstu: Obavještenje), u kojem su prikazani podaci o namjeravanoj koncentraciji, te su pozvani svi zainteresovani privredni subjekti koji djeluju na navedenom relevantnom tržištu, kao i na drugim tržištima na kojima bi predmetna koncentracija mogla imati efekat, te druge institucije ili udruženja koje imaju relevantna saznanja o navedenim tržištima, da mogu dostaviti pisane primjedbe i mišljenja.

U Odnosu na naprijed navedeno Obavještenje, Konkurencijsko vijeće nije zaprimilo primjedbe, mišljenja ili eventualne komentare.

Konkurencijsko vijeće je u smislu člana 30. stav (3) Zakona, izdalo Potvrdu o kompletnoj i urednoj prijavi broj: UP-05-26-1-020-20/24 dana 25.02.2025. godine.

1. Učesnici koncentracije

Učesnici koncentracije su privredni subjekti Pavgord d.o.o. Foča, Petra Kočića 1, 73300 Foča, Republika Srpska, Bosna i Hercegovina, kao Podnosilac prijave i Boksit a.d. Milići, Trg rudara 1, 75446 Milići, Republika Srpska, Bosna i Hercegovina, kao Ciljno društvo transakcije.

1.1. Privredni subjekt Pavgord d.o.o. Foča (Podnosilac prijave)

Privredni subjekt Društvo za unutrašnju i spoljnu trgovinu, transport, turizam, zanatstvo i lične usluge "Pavgord" d.o.o. Foča, skraćeni naziv firme: Pavgord d.o.o. Foča, sa sjedištem na adresi Petra Kočića 1, 73300 Foča, Republika Srpska, Bosna i Hercegovina, registrovano pri Okružnom privrednom sudu u Trebinju pod matičnim brojem: RU-1-436-00, sa temeljnim upisanim kapitalom od 5.001,00 KM.

Osnivač i vlasnik privrednog subjekta Pavgord d.o.o., sa 100% učešća u kapitalu je fizičko lice, Gordan Pavlović.

Pretežne registrovane djelatnosti privrednog subjekta Pavgord d.o.o. su testerisanje i blanjanje drveta (proizvodnja rezane građe), impregnacija drveta, dok pored tih djelatnosti privredni subjekt Pavgord d.o.o. aktivno posluje i ostvaruje prihode u sljedećim granama: gradnja poslovnih i stambenih objekata, transport, trgovina i ostale djelatnosti.

Povezana društva u kojima privredni subjekt Pavgord ima 10% ili više udjela u osnovnom kapitalu ili 10% ili više prava glasa su:

- NRMU d.o.o., Baljevo Polje bb, Miljevina, Foča, registrovan pri Okružnom privrednom sudu u Trebinju pod RU -1-1957-00, sa 80% vlasničkog udjela i pretežnim djelatnostima - vađenje lignita (mrkog uglja);
- Maglič d.o.o., Petra Kočića 1, Foča, registrovan pri Okružnom privrednom sudu u Trebinju pod RU -1-424-00, sa 100% vlasničkog udjela i pretežnim djelatnostima - ostale pomoćne djelatnosti u prevozu;
- Alumina d.o.o., Karakaj bb, Zvornik, registrovan pri Okružnom privrednom sudu u Bijeljini pod RU-1-436-00, sa 100% vlasničkog udjela i pretežnim djelatnostima – vađenje ostalih ruda obojenih metala;
- AR FORCE PROJECT d.o.o. Foča, Ul. Petra Kočića br. 1, Foča, registrovan pri Okružnom sudu u Trebinju pod RU -1-436-00 sa 100% vlasničkog udjela i pretežnim djelatnostima - savjetovanje koje se odnosi na poslovanje i ostalo upravljanje (povezano društvo

¹ Rješenje objavljeno u "Službenom glasniku BiH", broj 25/25

privrednog subjekta Pavgord d.o.o. počev od dana 30.08.2024. godine kada je isti upisan kao osnivač).

Vlasnik privrednog subjekta Pavgord d.o.o., fizičko lice Gordan Pavlović, pored 100% vlasništva u privrednom subjektu Pavgord, ujedno je i 100% vlasnik sljedećih privrednih subjekata:

- EG ENERGOGROUP d.o.o. Petra Kočića 1, Foča registrovan pri Okružnom privrednom sudu u Trebinju pod brojem: 62-01-0004-22 sa 100% vlasničkog udjela (pretežne djelatnosti - arhitektonske djelatnosti);
- SRBINJE PUTEVI d.o.o. Baljevo polje bb, Foča registrovan pri Okružnom privrednom sudu u Trebinju pod RU -1-792-00 sa 100% vlasničkog udjela (pretežne djelatnosti - izgradnja puteva i autoputeva) i
- Nova Alumina d.o.o. Karakaj 105-e, Zvornik registrovan pri Okružnom privrednom sudu u Bijeljini pod brojem: 59-01-0061-23 sa 100% vlasničkog udjela (pretežne djelatnosti - proizvodnja aluminija).

1.2. Boksit a.d. (Ciljno društvo)

Privredni subjekt Akcionarsko društvo Boksit a.d., skraćeni naziv Boksit a.d. sa sjedištem na adresi Trg rudara 1, 75446 Milići, Republika Srpska, Bosna i Hercegovina je društvo ograničene odgovornosti registrovano pri Okružnom privrednom sudu u Istočnom Sarajevu pod matičnim brojem: 89-02-0003-10 (1-800), sa upisanim temeljnim kapitalom u iznosu od 23.787.671, KM.

Vlasničku strukturu privrednog subjekta Boksit a.d. prije predmetne transakcije čine dioničari predstavljeni u Tabeli br. 1:

Tabela br. 1

R.b.	Privredni subjekt	Vlasnički udio (%)
1.	Pavgord d.o.o. Foča	29,983
2.	Respect Plus d.o.o. Banja Luka	18,717
3.	MG Mind	18,619
4.	PREF AD Banja Luka	8,794
5.	Fond za restituciju RS AD Banja Luka	4,484
6.	Aktiva Invest d.o.o. Banja Luka	4,203
7.	Ostali dioničari	3,227
UKUPNO		100

Izvor: Podaci iz Prijave i Centralni registar hartija od vrijednosti a.d. Banja Luka

Vlasničku strukturu privrednog subjekta Boksit a.d. nakon provođenja predmetne transakcije čine dioničari predstavljeni u Tabeli br. 2.:

Tabela br. 2

R.b.	Privredni subjekt	Vlasnički udio (%)
1.	Pavgord d.o.o. Foča	87,905
2.	Pehar Dario	0,458
3.	Raiffeisen Bank d.d. BiH - Kastodi	0,345
4.	Pilindavić Vladimir	0,197
5.	Koval Vladimir	0,115
6.	ZIF FORTUNA FOND d.d.	0,109
7.	Ostali dioničari	10,871
UKUPNO		100

Izvor: Podaci iz Prijave i Centralni registar hartija od vrijednosti a.d. Banja Luka

Privredni subjekt Boksit a.d. se bavi površinskom i podzemnom eksploatacijom rude boksit koja se koristi za proizvodnju glinice, proizvodnju cementa, može se koristiti za izradu materijala otpornih na vatru, zatim u glinenoj i hemiskoj industriji. Također, privredni subjekt Boksit a.d. Milići se bavi uslugom prevoza rude do krajnjih korisnika.

(.)

U Prijavi se navodi da je privredni subjekt Alumina d.o.o. Zvornik jedini kupac rude boksit koju eksploatira privredni subjekt Boksit a.d..

Privredni subjekt Boksit a.d. nema povezanih društava.

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti koncentracije primijenilo odredbe Zakona, Odluke o načinu podnošenja prijave i kriterija za ocjenu koncentracija privrednih subjekata ("Službeni glasnik BiH", broj 34/10) i Odluke o utvrđivanju relevantnog tržišta ("Službeni glasnik BiH", broj 18/06 i 34/10).

3. Pravni osnov i oblik koncentracije

Kao pravni osnov ove koncentracije, u smislu člana 30. stav (1) tačka a) Zakona i člana 9. tačka f) Odluke o načinu podnošenja prijave i kriterijumima za ocjenu koncentracija privrednih subjekata, navodi se Obavještenje o sticanju dionica od dana 25.07.2024. godine (objavljeno u dnevnim novinama "Glas Srpske" i na zvaničnoj web stranici Banjalučke berze), čime je ispunjena zakonska obaveza i pokrenuta dalja procedura za sticanje kontrole nad emitentom, nakon što je u postupku kupovine dionica na Banjalučkoj berzi, privredni subjekt Pavgord d.o.o. Foča stekao 9.880.813 dionica privrednog subjekta Boksit a.d. Milići, prilikom čega je povećao svoje vlasništvo za 41,537538%, odnosno postao je većinski vlasnik sa ukupno 71,520949% dionica, s obzirom da je prije preuzimanja posjedovao 29.983410% dionica u privrednom subjektu Boksit a.d. Milići.

Nakon preuzimanja navednog paketa dionica i objave Obavještenja, s obzirom na to da je privredni subjekt Pavgord d.o.o. postao vlasnik više od 30% dionica sa pravom glasa, prema Zakonu o preuzimanju akcionarskih društava ("Službeni glasnik RS", br. 65/08, 92/09, 59/13 i 19/19), za privredni subjekt Pavgord d.o.o. je nastupila obaveza da objavi javnu ponudu za preuzimanje preostalih akcija koje nisu pod teretom, a koje daju pravo glasa u Skupštini emitenta.

Javna ponuda za preuzimanje preostalih dionica je započela dana 20.08.2024. godine i bila otvorena do dana 19.09.2024. godine. Tokom trajanja ponude, vlasnici akcija su imali priliku da deponuju svoje dionice i prodaju ih privrednom subjektu Pavgord d.o.o. Foča. U tom periodu, ukupno je deponovano 3.897.564 dionica, što predstavlja 16,384807% od ukupnog broja dionica sa pravom glasa u Skupštini emitenta.

Po isteku roka za podnošenje ponuda, privredni subjekt Pavgord d.o.o. Foča je izvršio isplatu i preuzeo deponovane akcije, u skladu sa zakonskim obavezama i rokovima. Time je obezbijeđeno da svi dioničari koji su željeli da prodaju svoje dionice, to i učine pod uslovima javne ponude, nakon čega je privredni subjekt Pavgord d.o.o. Foča postao vlasnik ukupno 20.910.732 dionica privrednog subjekta Boksit a.d. Milići, što predstavlja 87,905756% (87,91%) od ukupnog broja dionica, odnosno ukupnog broja glasova u Skupštini emitenta.

Prema naprijed navedenom, Pravni oblik koncentracije predstavlja sticanje kontrole jednog privrednog subjekta nad drugim kupovinom većine dionica, u smislu člana 12. stav (1) tačka b) podtačka 1) Zakona.

4. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

¹ (..) - Podatak predstavlja poslovnu tajnu